



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Health**

Broj: 10-37- 666-14/19  
Sarajevo, 30.01.2019.godine

**SKUPŠTINA KANTONA SARAJEVO**  
**-Služba za Skupštinske poslove-**

**PREDMET:** Odgovor na zastupničko pitanje

Zastupnica Smiljana Viteškić, na 3. Radnoj sjednici Skupštine Kantona Sarajevo, održanoj dana 23.01.2019. godine, u okviru tačke Dnevnog reda „Zastupnička pitanja, inicijative i odgovori“ a u skladu sa Poslovníkom Skupštine Kantona Sarajevo, postavila sljedeće zastupničko pitanje:

**„Pacijenti koji boluju od tuberkuloze i njihovi ljekari pitaju zašto u Kantonu Sarajevo nema antituberkulotika neophodnih za liječenje ove zarazne bolesti. UNDP koji je obezbjeđivao - donirao ove lijekove , prošle godine se povukao. Kada će biti dostupni ovi lijekovi u Kantonu Sarajevo.“**

U vezi sa postavljenim zastupničkim pitanjem, Ministarstvo zdravstva dostavlja sljedeći

**O D G O V O R**

Ministarstvo zdravstva Kantona Sarajevo je u sklopu Tranzicionog plana prevencije, kontrole i borbe protiv HIV/AIDS i tuberkuloze u Bosni i Hercegovini, u septembru 2016.godine dalo saglasnost na prijedlog zaključka „Kordinacionog sastanka“, i formiranje Radne grupe na nivou Federacije BiH koja će definisati sve potrebne korake za nabavku tuberkolostatika, aktivnosti svih učesnika u lancu obezbjeđenja lijekova, obaveze koje proizilaze iz plana nabavki, sistem izvještavanja, te monitoring i evaluaciju dogovorenog.

U cilju realizacije navedenog, Ministarstvo zdravstva Kantona Sarajevo je tokom juna 2017.godine iniciralo sastanak svih kantonalnih ministarstava i zavoda zdravstvenog osiguranja, zajedno sa Prof. Dr Hasanom Žutićem, na kojem je data saglasnost za nabavku tuberkulostatika od strane UNDP - Global fonda, udruživanjem sredstava obaveznog osiguranja svakog kantona a prema broju pacijenata. Sporazumi sa svim kantonima su trebali biti potpisani do septembra 2017.godine, na osnovu kojih bi se sredstva udružila i izvršila nabavka tuberkulostatika od strane UNDP-a. Prema podacima iz 2016.godine, Kanton Sarajevo je trebao obezbijediti kombinovanu terapiju za 68 oboljelih, koja bi koštala oko 19.000 KM, u sklopu čega je bilo planirano da se obezbjedi i 30% rezervi u lijekovima. Ministarstvo zdravstva Kantona Sarajevo je dalo saglasnost na potpisivanje sporazuma, ali do potpisivanja nije došlo iz razloga što je već bilo najavljeno



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243

Sarajevo, Reisa Džemaludina Čauševića 1



uvrštavanje tuberkulostatika u Odluku o listi lijekova Fonda solidarnosti Federacije Bosne i Hercegovine.

U decembru 2017.godine, UNDP Global fond je obavijestio sve kantone da sporazumi nisu potpisani i da se odustaje od dogovorenog načina snabdjevanja tuberkulostatika, zbog slabog odziva kantonalnih zavoda, te da nabavku tuberkulostatika preuzima Federalni fond solidarnosti.

Važno je napomenuti da se donošenjem Odluke o listi lijekova Fonda solidarnosti Federacije Bosne i Hercegovine, osiguralo snabdjevanje bolničkih pacijenata sa tuberkulostaticima, te da se nije riješio problem nastavka terapije po izlasku iz bolnice.

Od Federalnog ministarstva zdravstva smo tražili hitno reagovanje, kako bi se razriješio nastali problem nemogućnosti obezbjeđenja kombinacija tuberkulostatika i nesporazuma koji je nastao uvrštavanjem tuberkulostatika na listu Federalnog fonda solidarnosti.

Aktom Federalnog ministratsva zdravstva kojim je traženo hitno uvrštavanje tuberkulostatika na kantonalne liste lijekova i to kombinacije lijekova koji se ne mogu nabaviti nije adekvatno iz više razloga. Naime, uvrštavanje tuberkulostatika u bolničku listu kantona ne riješava problem koji je prisutan, jer se bolničkom listom lijekova obezbjeđuju lijekovi samo za bolničku zdravstvenu zaštitu za područje kantona, kao što i Federalni fond solidarnosti nabavlja i isporučuje lijekove bolničkim ustanovama. Dakle za potrebe bolnica se nabavljaju tuberkulostatici iz dva izvora.

Ostao je i dalje neriješen problem snabdjevanja, propisivanja i izdavanja tuberkulostatika na teret obaveznog zdravstvenog osiguranja, kao i drugih ampularnih lijekova u primarnom nivou zdravstvene zaštite.

Na A Listu lijekova Kantona Sarajevo uvršten je lijek rifampicin, ali smo mišljenja da se svi slučajevi tuberkuloze ne mogu liječiti samo sa ovim lijekom. Na Bolničku listu lijekova su uvršteni lijekovi rifampicin 150 i 300 mg, protionamid 250 mg, etionamid 250 mg i isoniazid sa piridoksinom 400 mg+50 mg, a koje ne nabavlja Federalni fond solidarnosti.

Imajući u vidu probleme u snabdjevanju tuberkulostaticima, prvenstveno iz razloga što nisu registrovani pri Agenciji za lijekove i medicinska sredstva BiH, kao i nužnu potrebu osiguranika za ovim lijekovima, Ministarstvo zdravstva Kantona Sarajevo je putem JU Apoteke Sarajevo i JU Dom zdravlja Kantona Sarajevo iniciralo interventni uvoz navedenih tuberkulostatika.

JU Apoteke Sarajevo su nas izvjestile da su uspjele osigurati monokomponentne tuberkulostatike ali ne i kombinacije koje se preporučuju i koriste u terapiji.

U međuvremenu, Federalni fond solidarnosti je proveo postupak izbora dobavljača za tuberkulostatike, te su Pharma Maac i Unifarm za potrebe Federalnog fonda solidarnosti osigurali potrebne lijekove, a sa JU Apoteke Sarajevo i JU Dom zdravlja Kantona Sarajevo je dogovoreno da se od Kliničkog centra Univerziteta u Sarajevu izuzmu određene količine tuberkulostatika, te da se stave na raspolaganje primarnom nivou zdravstvene zaštite Kantona Sarajevo, za 24 pacijenta koji trenutno nastavljaju terapiju.

Terapija za novootkrivene slučajeve tokom janura i u narednom periodu se treba dogovoriti sa Zavodom zdravstvenog osiguranja Kantona Sarajevo.

Mišljenja smo da je problem snabdjevanja sa tuberkulostaticima trebalo riješiti sistemski, na jedinstven način za sve oboljele od tuberkuloze sa područja Federacije BiH, obzirom da se radi o lijekovima relativno male vrijednosti, te da ne postoji interes od strane farmaceutskih kompanija da registriju tuberkulostatike. U tom smislu, bilo bi poželjno da se nabavka tuberkulostatika objedini, a da svaki kanton finansira iz svojih sredstava obaveznog osiguranja potrebne količine lijekova za svoje oboljele, te da se obnove pregovori sa UNDP-Global fondom koji može ove veoma važne



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243

Sarajevo, Reisa Džemaludina Čauševića 1



lijekove osigurati po najprihvatljivijim cijenama, čime će se u konačnici obezbijediti adekvatno i jednako liječenje tuberkuloze na području cijele Federacije BiH.

Ovu inicijativu smo uputili Federalnom ministarstvu zdravstva, a o ishodu navedene inicijative ne posjedujemo informacije.

*S poštovanjem,*

**MINISTRICA**

**Doc. dr. sci. med. Amela Sofić**

Pripremila:

Prim.mr. ph. Enisa Salihefendić, stručni savjetnik

Kontrolisala:

Prim. mr.ph. Edina Stević, pomoćnica ministricе

*DOSTAVLJENO:*

*1. Naslovu*

*2. a/a*



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243

Sarajevo, Reisa Džemaludina Čauševića 1

